

657 unze sis mit minnen lônde;  
 dâr umbe der kûnec in hônde.  
**M**uoz ich iu sîne tougen sagen,  
 des sol ich iuern urloup tragen.  
 5 doch sint diu selben mære  
 mir ze sagen ungebære,  
 wâ mit er kom in zoubers site.  
 zeime kappûne mit eime snite  
 wart Clinschor gemachet.«  
 10 des wart al dâ gelachet  
 von Gawane sêre.  
 si sagte im dennoch mêre:  
 »ûf Kalot enbolot  
 erwarb er der werlde spot;  
 15 daz ist ein burc vest erkant.  
 der kûnec bî sînem wîbe in vant;  
 Clinschor slief an ir arme.  
 lag er dâ iht warme,  
 daz muoser sus verpfenden:  
 20 er wart mit kûneges henden  
 zwischen den beinen gemachet sleht.  
 des dûhte den wirt, ez wære sîn reht.  
 der besneit in an dem lîbe,  
 daz er decheinem wîbe  
 25 mac ze schimpfe niht gevrumen.  
 des ist vil liute in kumber kumen.  
 Ez ist niht daz lant ze Persia;  
 ein stat heizet Persida,  
 dâ êrste zouber wart erdâht.  
 30 dâ vuor er hin unt hât dan brâht,

Sol ich iu sîniu t. (sine tûgent L sin tōgen V) s., \*G (\*T)  
 des (so I) muoz ich \*G \*T

durch waz er \*G \*T

im (in L) vûrbaz m.: \*G \*T

des d. den kûnic, er hetes r. \*G (nur GI)

n. (om. L) ein l. \*G (ohne Z)

dâ allerêrste zoubers ([\*]: alrerst zōber V) w. c. (gedaht I Z). \*G (\*T)  
 hin om. ↓\*T (nur Q) L

---

\*D: D \*m: m (ohne 657.10) \*G: G I L Z \*T (Q): Q V

---

3 Initiale D G I L Z Q 23 Initiale I 27 Majuskel D

---

3 sîne tougen] sîn tugent \*m 7 mit] von \*m 22 ez wære sîn] er het es \*m 27 ze] om. \*m 30 Dar [f\*]: fÿr er hin und hat braht V · dan] om. \*m